



Znaju samo za najviše ocjene: III-2 sarajevske gimnazije »Ognjen Prica«

ODLIKAŠI TREĆEG DVA

Prosječna ocjena opšteg uspjeha učenika III-2 razreda matematičkog smjera sarajevske gimnazije »Ognjen Prica« 4,89

Pored niza osvojenih trofeja koji simbolizuju dosadašnje uspjehe na raznim takmičenjima, III-2 razred matematičkog smjera sarajevske gimnazije »Ognjen Prica« dobio je još jedno priznanje: žiri lista »Mladost« i radio-emisije »Zeleni megaherc« proglasio ih je za najbolji đački kolektiv ove godine u Jugoslaviji. Od 18 učenika (13 mladića i 5 djevojaka) 16 su odlikaši, a samo dvojici je u svjedočanstvu upisana ko načna ocjena: vrlo dobar. Prosječna ocjena opšteg uspjeha odjeljenja je 4,89, a srednja ocjena po predmetima 4,81.

Dogodine svi odlični

Pored imena Zlatka Delića, Dominika Meiera, Milana Saravolca, Gradimira Starovića, Miodraga Škrbića i Miodraga Vujanovića u dnevniku su upisane sve same petice iz svih predmeta. Ostali odlikaši ovog odjeljenja zovu se: Snježana Andraković, Milenko Bijedić, Biljana Bilić, Miloš Bjelica, Emir Hadžihanović, Sanja Hasanbašić, Gordana Nikolić, Tahir Mahmutefendić, Dženana Muminović, Stjepan Meler i Damir Tkalčić. Među njima je veći broj koji imaju četvorku iz samo jednog

predmeta. Vrlo dobar uspjeh postigli su Slavenko Glavan i Emir Hadžihanović, ali će i oni dogodne, kažu njihov drugovi, biti odlikaši. Svi zajedno će se potruditi da to tako bude. A kad oni to kažu, treba im vjerovati. Jer drugarstvo i saradnja u ovom malom đačkom kolektivu je posebna priča.

Nikada ne bismo postigli ovakav uspjeh da je svako mislio samo na sebe, kažu. Svoje izuzetne rezultate objavljuju i time što su svi uglavnom došli kao »super« odlikaši iz osnovnih škola; što imaju razvijene radne navike, izražene ambicije i neugaslu žeđ za znanjem iz svih predmeta. Tome, ističu, treba dodati i sretnu okolnost što ih vodi stručan tim mladih profesora, čija predavanja su u skladu sa zahtjevima savremene nastave. Svakako da je pored svega ovoga od značaja i podatak da je to relativno malo odjeljenje, tako da svaki učenik aktivno učestvuje takoreći na svakom času, redovno se provjerava njihovo znanje. Kad se, recimo, iz matematike radi teži zadatak, svi zajedno učestvuju u rješavanju. Pravi timski rad. Zato je teško biti loš među dobrim, veli Gordana Nikolić.

Traže nove predmete

Izvanredni rezultati ovog kolektiva ne znače, međutim, da oni ne znaju ni za šta drugo osim za knjigu. Nisu to »štreberi«, njihov duh traži hrane i u mnogim aktivnostima van školskog časa. Miodrag Škrbić, na primjer, uskoro će potpisati profesionalni ugovor sa fudbalskim klubom »Željezničar«, Dženana Muminović svira na nekoliko instrumenata, Biljana Bilić i Miloš Bjelica aktivni su učesnici omladinskih radnih akcija (sada su na »Savi 73«). Dženana Muminović i Miodrag Vujanović, jedini punoljetni među svojim drugovima iz odjeljenja, aktivni su članovi Saveza komunista. Svi oni, naravno, nadu vremena i za igranje, disko-klubove, izlete. Treba samo, kažu, znati rasporediti vrijeme.

Direktor škole Belkisa Rizvanbegović za ove mladiće i djevojke ima samo najljepše riječi i naziva ih »zbirom ambicioznih«. Za njih se profesori posebno spremaju. Ona bi željela da se još više učenika opredijeli za matematički smjer jer, eto, nije to baš uk: kad se hoće, mogu se postići zavidni rezultati. Ko liko su učenici željni znanja, potvrđuju i riječi njihovog razrednog starijine Ilije Katića, koji nam reče da su se učenici izborili da dogodne uvedu nove predmete: informatiku i elektroniku. Oni se, dakle, specijaliziraju, ali ne zanemaruju opšta znanja.

ZAGREB NEKAD I DANAS

U Muzeju grada Sarajeva danas će se otvoriti izložba pod nazivom »Zagreb nekad i danas«. Izložba se organizuje u okviru tradicionalne saradnje Muzeja grada Zagreba i Mu-

zeja grada Sarajeva. Na četvrtom gostovanju u Sarajevu Zagrepčani će se predstaviti izložbom fotosa na kojima će prikazati arhitekturu svoga grada.

N. S.

B. Š.